

JAVNA USTANOVA MUZEJ GRADA ZENICA

Na osnovu člana 29. Zakona o ustanovama („Službeni list R BiH“ broj:06/92, 8/93 i 13/94), člana 17. Zakona o muzejskoj djelatnosti Zeničko-dobojskog kantona („Službene novine Zeničko-dobojskog kantona“, broj: 15/03), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03, 34/03, i 65/13), člana 24., 28., 29. i člana 30. Pravila Muzeja, Saglasnosti Osnivača br. 19-45-24640/23 i Odluke Upravnog Odbora Muzeja grada Zenice broj: 689/23 na dan 20.11.2023. godine, Upravni odbor Muzej grada Zenica raspisuje:

JAVNI KONKURS ZA IZBOR I IMENOVANJE DIREKTORA JU MUZEJ GRADA ZENICE

I

Raspisuje se Konkurs za izbor i imenovanje direktora Javne ustanove Muzej grada Zenice. Imenovanje se vrši na mandatni period od četiri godine.

II

Opis pozicije

- organizacija i rukovođenje radom Muzeja,
- zastupanje i predstavljanje Muzeja pred trećim licima,
- odgovaranje za zakonitost rada Muzeja,
- vrši i druge poslove u skladu sa zakonom i Pravilima Muzeja.

Osnovna neto plaća iznosi = 1.267,73 KM

III

Uvjeti za imenovanje direktora

Opći uvjeti:

1. da je državljanin Bosne i Hercegovine,
2. da je stariji od 18 godina,
3. da je zdravstveno sposoban,
4. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entitetu) u periodu od tri godine prije dana objavljivanja ove upražnjene pozicije,
5. da nije pod optužbom Međunarodnog tribunala za bivšu Jugoslaviju (da se na njega ne odnosi član IX 1. Ustava Bosne i Hercegovine),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa („Službene novine Federacije BiH“, broj: 70/08),
7. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“ broj: 12/03, 34/03, i 65/13),
8. da nema privatni/finansijski interes u ustanovi u kojoj se kandiduje,

9. da nije osuđivan za krivično djelo,
10. da se protiv njega ne vodi krivični postupak pred sudovima u BiH.

Posebni uvjeti:

- VSS, VII stepen stručne spreme (minimalno 240 ECTS bodova) društvenog ili humanističkog smjera,
- minimalno 5 godina radnog iskustva u muzejskoj ili srodnoj struci i visokoj spremi,
- zapažene organizatorske i komunikološke vještine,
- da je stručnjak u muzejskoj djelatnosti ili je naučni ili kulturni djelatnik,
- poznavanje rada na računaru,
- poznavanje engleskog jezika,
- pisani Plan i Program rada Muzeja za mandatni period na koji konkurira.

IV

Obavezna dokumentacija koja se prilaže uz prijavu

- svojeručno potpisana prijava koja treba da sadrži kraću biografiju, adresu i kontakt telefon,
- izvod iz matične knjige rođenih /original ili ovjerena kopija/,
- uvjerenje o državljanstvu BiH /original ili ovjerena kopija/,
- diploma o završenom obrazovanju /original ili ovjerena kopija/,
- dokaz o traženom radnom iskustvu /originalna potvrda/,
- poznavanje rada na računaru /original ili ovjerena kopija indexa, sertifikata ili potvrde o položenom ispitu/,
- poznavanje engleskog jezika /original ili ovjerena kopija indexa, sertifikata ili potvrde o položenom ispitu/,
- pisani plan i program rada ustanove za mandatni period na koji konkurira,
- ovjerenu Izjavu kandidata o činjenicama nabrojanim u tačkama od 4 -8 općih uslova konkursa.

Napomena:

Kandidat koji bude imenovan za direktora dužan je dostaviti:

- ljekarsko uvjerenje kao dokaz da je njegovo zdravstveno stanje i psihofizičke sposobnosti odgovaraju uslovima radnog mjesta,
- uvjerenje o nekažnjavanju (ne starije od 6 mjeseci),
- uvjerenje da se protiv njega ne vodi krivični postupak (ne starije od 6 mjeseci).

Konkurs će biti objavljen u “Službenim novinama Federacije BiH”, dnevnom listu “Oslobođenje” i web stranici Grada Zenica.

Konkurs ostaje otvoren petnaest (15) dana od posljednjeg dana objavljivanja u sredstvima javnog informisanja i računa se prema datumu objave konkursa u glasilu koje zadnje objavi ovaj konkurs.

Prijave sa potrebnom dokumentacijom treba dostaviti u zatvorenoj koverti lično ili preporučeno poštom na adresu:

**JU Muzej grada Zenice,
Ulica Muhameda Seida Serdarevića bb, 72 000 Zenica**

Sa naznakom:

“Prijava na konkurs za izbor i imenovanje direktora - NE OTVARATI”.

Neblagovremene, neuredne i nepotpune prijave, kao i prijave kandidata koji ne ispunjavaju opće i posebne uslove, neće biti uzete u razmatranje.

Kandidati koji ispunjavaju uslove konkursa biće obaviješteni o mjestu i vremenu obavljanja intervjua.

Po okončanju procedure po Javnom konkursu, dokumentacija priložena uz prijavu neće se vraćati kandidatima, osim na osnovu pismenog zahtjeva kandidata.